

Broj: 01-14-7-99-2/18

Datum: 05.02.2018. godine

Na osnovu člana 64. stav 1. tačka b), člana 70. st. 1, 2, 3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14), člana 6. Pravilnika o direktnom sporazumu („Sl. glasnik BiH“, broj 90/14), te člana 7. Pravilnika o direktnom sporazumu Agencije za državnu službu F BiH, broj:01-02-2-33/15, od 02.02.2015. godine, direktor Agencije za državnu službu Federacije BiH donosi

ODLUKU

o prihvatanju ponude u postupku nabavke usluga mobilne telefonije

Član 1.

Prihvata se ponuda ponuđača “BH Telecom” d.d. Sarajevo, broj: 08.2-5.2-11911/18-01 od 01.02.2018. godine i Ugovor za javnu nabavku usluga – mobilne telefonije, dodjeljuje se ponuđaču “BH Telecom” d.d. Sarajevo. Vrijednost za navedene usluge iznosi do 4.200,00 KM bez PDV-a.

Član 2.

Za izvršenje ove odluke zadužuje se Odsjek za računovodstveno-finansijske i kancelarijske poslove.

Član 3.

Zadužuje se Odsjek za računovodstveno-finansijske i kancelarijske poslove da u skladu sa odredbama člana 70. stav 2. i stav 6. Zakona o javnim nabavkama obavijesti ponuđača o rezultatima provedenog postupka.

Član 4.

Ova Odluka objavit će se na Web-stranici Agencije www.adsfbih.gov.ba istovremeno sa upućivanjem iste ponuđaču čija ponuda je prihvaćena, u skladu sa članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja.

Obrazloženje

Postupak javne nabavke usluga mobilne telefonije pokrenut je Odlukom o pokretanju postupka javne nabavke broj: 01-14-7-99/18 od 29.01.2018. godine.

Javna nabavka je pokrenuta putem direktnog sporazuma.

Procijenjena vrijednost javne nabavke je 4.200,00 KM, bez PDV-a.

Uposlenici Odsjeka za računovodstveno-finansijske i kancelarijske poslove zaduženi za provođenje postupka i ocjenu primljene ponuda, nakon istraživanja tržišta, utvrdili su da je najpovoljnija ponuda, na osnovu kriterija najniža cijena, popusta koji su uključeni u ponudu, te dostupne stručne i tehničke pomoći u vidu postprodajnih usluga, ponuđača „BH Telecom“ d.d. Sarajevo.

Kako ponuda ponuđača „BH Telecom“ d.d. Sarajevo ispunjava sve postavljene uvjete Ugovornog organa, nakon izvršene ukupne ocjene i dosadašnje saradnje izabrana je kao najpovoljnija u predmetnom postupku javne nabavke.

Iz navedenih razloga, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba Ugovornom organu, u roku od pet dana od dana prijema ove odluke i to u pisanoj formi i u dovoljnom broju primjeraka, a koji ne može biti manji od tri.

Dostavljeno: - Ponuđaču
- u spis predmeta
- a/a



V.D. DIREKTOR

Refik Begić, magistar uprave